



Brčko: Pretres izvršen na 12 lokacija

(Foto: Otisak.ba)

Detalji akcije "Povratnik" u Brčkom i Tuzli

Uhapšeno šest osoba, oduzeti droga, zlato i 30.000 KM

Jedan osumnjičeni pušten nakon saslušanja, a za jednom osobom se traga

Službenici Državne agencije za istrage i zaštitu (SIPA) u akciji "Povratnik", koja je realizirana na području Brčko Distrikta BiH, uhapsili su K. A. (55), K. P. (23), T. F. (34), L. B. (36) i Ž. B. (36) zbog organiziranog kriminala u vezi s neovlaštenim prometom opojnim drogama.

Još jedna osoba je saslušana u svojstvu osumnjičene, nakon čega je otpuštena iz službenih prostorija, dok se za K. S. (25) iz Brčka traga.

Uhapšeni se sumnjiče da su od septembra 2016. do avgusta 2017., u saradnji s oso-

bama iz Republike Srbije, nabavljale opojnu drogu heroin i vršile distribuciju i preprodaju na području BiH. Sumnjiče se i da su na području BiH nabavljale i distribuirale opojnu drogu marihuanu i spid.

Pretreseni su objekti na 12 lokacija na području Brčko Distrikta BiH i Tuzle. U okviru ove akcije, pronađeno je ukupno skoro 600 grama praškaste materije koja izgledom i svojstvima asocira na opojnu drogu heroin, skoro 100 grama suhe zeljaste materije koja asocira na marihuanu, nekoliko tableta ekstazija, digitalna

vaga, folije i selotejp trake koje su korištene za pakovanje opojne droge. Pronađeni su i komad vatrenog oružja bez dozvole sa municijom, laptopi, računari, mobilni telefoni i SIM kartice, uređaji za pohranu podataka, određeni dokumenti, bilješke i rokovnici, određena količina zlata i novac u ukupnom iznosu od skoro 30.000 KM.

Aktivnosti su realizirane prema naredbama Suda BiH i Tužilaštva BiH, uz podršku policijskih službenika Ministarstva unutrašnjih poslova Tuzlanskog kantona.

E.R.